



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Press Release
Periodu Feveiro 2009
Edisaun Feveiro 2009

Inaugurasaun Edifisiu Prokuradoria Geral

Depois de hala'o tiha kna'ar no funsaun nu'udar Prokurador iha Ministerio Publiko iha edifisiu naun permanente, loron ohin dia 5 de Marsu 2009 edifisiu Ministerio Publiko foun foin hetan inaugurasaun. Iha ninia sesaun xefe komisaun organizador ba evento ka cerimonia mos nu'udar adjunto Prokurador Geral katak hamutuk ho edifisiu foun ne'e hatudu katak Estadu e mos Governo hakat ba passu ne'ebe signifikante tebes atu dezenvolve kapasidade iha seitor justisa, ne'ebe sai hanesan pilares ida atu defende konstituisaun no leis hotu.

Ministerio Publiko konfesa katak hasoru dezafiu ka obstakulu ne'ebe boot tebes hanesan la iha laboratorio forensika, nune'e kazu barak mak to'o oras ne'e sei pendente hela. Kazu atentadu hasoru Prezidente da Republika, to'o oras ne'e seidauk prosesa tanba faktus ka evidensia ne'ebe relevante tenki halo prova iha estrangeiro. Rekomenda ba estadu nomos ba governu atu toma atensaun ba assuntu ne'e, mos rekomenda atu bele konstrui edifisiu ba Prokuradoria Distritu Dili nian no rezidencia ba prokurador sira ne'ebe hala'o ninian kna'ar no funsaun iha Tribunal Distrital tomak.

Alen halo inaugurasaun ba edifisiu Prokuradoria Geral ne'e, mos halo tomada de posse ba Prokurador nasional na'in haat ne'ebe durante ne'e hala'o nia kna'ar ka halo pratika iha Tribunal Distrital Dili, nomos iha eventu hanesan intrega motor haat ba ofisial sira ne'ebe mak hakna'ar aan iha Tribunal Distrital sira hotu.

JSMP sente orgulhu ba eventu hirak iha leten nu'udar passu positive hodi bele fasilita no hadi'a sistema justisa iha Timor Leste em geral. JSMP mos apoia rekomendasaun atu estadu no governu

bele konstrui lalais edifisu ka laboratorio forensika hodi bele responde kasus tomak ne'ebe presiza halo provas ba DNA.

Atu hetan informasaun kle'an favor kontaktu:

Luis de Oliveira Sampaio

Direktur Eksekutivu JSMP

Enderessu E-Mail: luis@jsmp.minihub.org

telefone: 3323883